



13. juli 2016

Inatsisartut suleriaasianni § 37 naapertorlugu Naalackersuisunut imaattunik apeqquteqarpunga:

Apeqqutit:

1. **Piareersarfinni inissanik amerlanerusunik pilersitsinermi angusat nalilersorneqarpat?**
2. **Meeqqat atuarfiannit ingerlariaqqinnissamut ilinniartitaanikkut iliuuserisat piffissami kingullermi nalilersorneqarnikuuppat?**
3. **Nalilersorneqarsimappata qanoq naliliisoqarpa?**
4. **Nalilersorneqarsimangippata qaqugu naliliisoqassamaarpa?**
5. **Suliffissaaleqisut sulisinnaasut akornanni procentinngorlugit ukiuni kingullerni qulini ukiukkaartumik qanoq amerlatigippat?**
6. **Inuusuttut meeqqat atuarfiannit aninermi kingorna ilinniaqqissalutik ingerlaqqittut imaluunniit suliffittaartut ukiuni kingullerni qulini ukiukkaartumik qanoq amerlatigippat?**
7. **Inuit sulisinnaasut amerlassusaat ukiuni kingullerni qulini ukiukkaartumik qanoq ippat?**
8. **Sulisinnaasut akornanni suliffissaaleqisullu akornanni inuit qassit ilinniarsimasuuppat qassillu ilinniakkamik allagartaqannigitsuuppat?**
9. **Arnat angutillu suliffissaaleqisut akornanni qanoq inissisimappat?**
10. **Suliffissat piujunnaartut suliffissallu nutaat pinngortut akornanni ukiuni kingullerni qulini arnat angutillu qanoq agguataaqqap-pat?**

(Inatsisartuni ilasortaq Sara Olsvig, Inuit Ataqatigiit)

Tunngavilersuutit:

Inuit Ataqatigiit inuusuttut suliffissaaleqisut suli amerlanerat ernumassutigaarput apeqquserparpullu naammattunik iliuuseqartoqarsimanersoq. Piareersarfiit inuusuttunut iliuusissatut naammattutut isigisimangilarput paaserusupparpullu Piareersarfinni inissat amerlinerinit qanoq angusaqarsimaneranik nalilersuisoqarsimanersoq.

Ilanngullugu paaserusupparput sulisinnaasut amerlassusaat qanoq ineriartorsimanersoq, ilisimagatsigu Nunarput qimallugu nuuttartut amerliartuinnartut innuttaasullu ukioqqortusiartuinnarmata qujanartumik

utoqqalisut aamma amerlimmata. Sulisinnaasut amerlassussaannut naleqqiullugit suliffissaaleqisut procentinngorlugit aamma kisittarnissaat pingaartipparput, suliffissaaleqineq taama ilinikkut tamakkiinerusumik paasisaqarfigineqarsinnaassammat.

Apeqqutit ullut suliffiusut qulit qaangiutsinnagit akineqarsimanissaat kissaatigaarput.